

INUIT ATAQATIGIIT

INATSISARTUNI



Nuuk 4. september 2012

Inatsisartut suleriaasianni §37 najoqqutaralugu Naalakkersuisunut matumuuna apeqqutigaavut:

Apeqqutit:

1. Arnat angutillu suaassuseqatigiillutik aappariit oqaluffimmi katissinnaalernissaat qaqugu nunatsinni atortuulersinneqassava?
2. Atortuulersinnissaa siunertaralugu Danmarkimi Naalakkersuisut saaffigineqareerpat?

(Inatsisartunut ilaasortat Olga P. Berthelsen, Naaja Nathanielsen, Inuit Ataqatigiit)

Tunngavilersuutit:

2010-p ukiaanerani Inatsisartut ataatsimiinnerminni aalajangerpaat, nunatsinni arnat angutillu suaassuseqatigiillutik aappariit oqaluffimmi katissinnaanngornissaat Naalakkersuisut sulissutigissagaat. Ilanngullugu aalajangerneqarpoq pineqartup atortuulersinnissaa siunertaralugu Danmarkimi Naalakkersuisut saaffigineqassasut.

Inatsisartunut siunnersuuteqartuuvoq Demokraatineersoq Inatsisartunut ilaasoq Justus Hansen. Siunnersuutaa imaappoq:

"Suaassuseqatiminnik atoqateqartartut kommuunip allaffiani aappariittut nalunaarsorneqaannartarnerannut taarsiullugu oqaluffimmi katissinnaanngornissaat sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut."

Siunnersuut inatsisartuni partiinit tamanit taparserneqarluni oqaaseqarfigineqarpoq. Naalakkersuisut aamma siunnersuut pillugu nassuiaateqarnerminni siunnersuummut tapersiinertik nalunaarutigaat.

Ilanngullugu oqaatigineqassaaq Danmarkimi Folketingip ukioq manna 15. juni arnat angutillu suaassuseqatigiillutik aappariit oqaluffimmi katissinnaalernissaat akuersissutigim-magu atortuulersillugulu. Akuersissuteqarnermi aamma ilanngunneqarpoq, palasit nalun-geqatiginnissusertik naapertorlugu katititsinissamut naaggaarsinaatitaasut. Qulaani tunngavilersuutit toqqammavigalugit matumuuna apeqquteqaatit Naalakkersuisu-nit akisassanngorlugit ingerlateqqippavut.